

Na osnovu člana 3. stav (3), člana 10. st. (8) i (9), člana 12. stav (4), člana 13. stav (6), člana 18. stav (4), člana 21. stav (8), člana 22. stav (13), člana 80. stav (2) Zakona o sjemenu i sadnom materijalu poljoprivrednih biljaka Bosne i Hercegovine ("Službeni glasnik BiH", broj 3/05) i člana 61. stav 2. Zakona o upravi ("Službeni glasnik BiH", br. 32/02 i 102/09), Uprava Bosne i Hercegovine za zaštitu zdravlja bilja, u saradnji sa nadležnim organima entiteta i Brčko Distrikta Bosne i Hercegovine, donosi

PRAVILNIK O STAVLJANJU U PROMET SJEMENA ULJANOG I PREDIVOG BILJA U BOSNI I HERCEGOVINI

Član 1.

(Predmet)

- (1) Ovim Pravilnikom propisuju se uslovi i priprema za stavljanje u promet, stavljanje u promet sjemena i uvoz sjemena uljanog i predivog bilja u Bosni i Hercegovini.
- (2) Ovaj Pravilnik se odnosi na sjemena sljedećih vrsta uljanog i predivog bilja:

Arachis hypogaea L.	kikiriki, zemni orašac
Brassica juncea (L.) i Czern and Cosson	smeđa gorušica
Brassica napus L. (Partim)	uljana repica
Brassica nigra (L.) W. D. J.Koch	crna gorušica
Brassica rapa L. var silvestris (Lam) Briggs	krmna repica
Cannabis sativa L.	konoplja
Carthamus tinctorius L.	šafrenika
Carum carvi L.	kim
Glycine max (L.) Merr	soja
Gossypium spp.	pamuk
Heliathus annuus L.	suncokret
Linum usitatissimum L.	lan, (predivi), sjeme lana (uljni lan)
Papaver somniferum L.	mak
Sinapis alba L.	bijela gorušica

Član 2.

(Izuzeci od primjene)

- (1) Ovaj Pravilnik se ne primjenjuje na sjeme uljanog i predivog bilja namijenjenog izvozu, koje se proizvodi u skladu sa odredbama člana 25. st. (1) i (2) Zakona o sjemenu i sadnom materijalu poljoprivrednih biljaka Bosne i Hercegovine ("Službeni glasnik BiH", broj 03/05) (u daljnjem tekstu: Zakon).
- (2) Ovaj Pravilnik se ne primjenjuje na:
 - a) isporuku sjemena uljanog i predivog bilja za službena ispitivanja i isporuke inspekcijским organima;
 - b) isporuku malih količina sjemena za naučne svrhe ili rad na selekciji sorti;
 - c) odgovarajuće količine sjemena za druga testiranja i ogleda pod uslovom da pripadaju sortama za koje je podniet zahtjev za upis u Sortnu listu Bosne i Hercegovine ("Službeni glasnik BiH", broj 59/10 i 02/12) (u daljnjem tekstu: Sortna lista).
- (3) Uprava Bosne i Hercegovine za zaštitu zdravlja bilja (u daljnjem tekstu: Uprava) u saradnji sa nadležnim organima entiteta i Brčko distrikta BiH, izdaje dozvolu dobavljačima za stavljanje u promet u Bosni i Hercegovini sjemena iz stava (2) ovog člana i u skladu sa članom 18. Zakona.
- (4) Maksimalna količina sjemena uljanog i predivog bilja iz stava (2) tač. a) i b) ovog člana, smatraju se količine sjemena uljanog i predivog bilja do 2 kg pojedinačno po vrsti i pojedinoj sorti.
- (5) U slučaju genetički modificiranog materijala (u daljnjem tekstu: GMO), takva dozvola se može izdati samo ukoliko su poduzete sve odgovarajuće mjere da bi se izbjegli nepovoljni utjecaji na ljudsko zdravlje i okolinu, u skladu sa važećim propisima koji uređuju oblast GMO.

Član 3.

(Izuzeci za uslove stavljanja u promet)

Izuzetno od odredbi člana 10. i člana 12. stav (3) Zakona, a u skladu sa članom 13. Zakona, Uprava u saradnji sa nadležnim organima entiteta i Brčko Distrikta BiH može:

"Službeni glasnik BiH", broj: 63/13

- a) na zahtjev dobavljača, dozvoliti stavljanje u promet sjemena uljanog i predivog bilja sorte koja je u procesu priznavanja i upisa u Sortnu listu, najviše do 5 kg pojedinačno po vrsti i pojedinoj sorti;
- b) dozvoliti registriranim dobavljačima da stave u promet sjeme oplemenjivača, predosnovno sjeme, osnovno, deklarirano/certificirano sjeme (C), deklarirano/certificirano sjeme prve generacije (C1), deklarirano/certificirano sjeme druge generacije (C2), deklarirano/certificirano sjeme treće generacije (C3) ili komercijalno sjeme (K) koje ne ispunjava neki od potrebnih zahtjeva za takva sjemena definiranih Prilogom III ovog Pravilnika;
- c) može promijeniti zahtjeve u pogledu stavljanja etiketa definiranih Prilogom V ovog Pravilnika.

Član 4.

(Definicije)

(1) Izrazi upotrijebljeni u Zakonu upotrebljavaju se i u ovom Pravilniku, a specifični izrazi upotrijebljeni u ovom Pravilniku imaju sljedeća značenja:

- a) **"Organ za potvrđivanje"** je tijelo koje je odgovorno za sva pitanja koja se odnose na proizvodnju, izdavanje deklaracija/certifikata, testiranja i stavljanje u promet sjemena uljanog i predivog bilja;
- b) **"Službeni nadzor"** je nadzor obavljen od strane Organa za potvrđivanje, na osnovu zahtjeva za pregled i ovisno od uplate troškova definiranih posebnim pravnim propisima;
- c) **"Zvanična deklaracija/certifikat"** je dokument koji izdaje Organ za potvrđivanje, u skladu sa odredbama navedenim u Dijelu I, Priloga I i Priloga II ovog Pravilnika;
- d) **"Zvanična etiketa"** je etiketa izdata od strane Organa za potvrđivanje na osnovu odredbi navedenih u Prilogu V ovog Pravilnika;
- e) **"Partija sjemena u smislu ovog Pravilnika"** je ustanovljena količina sjemena uljanog i predivog bilja koja ne prelazi težinu koja je specificirana u Dijelu II, Priloga IV ovog Pravilnika i koja nosi jedinstveni referentni broj, u kojoj su sjemena tako izmiješana da, koliko je to moguće, partija sjemena nema pokazatelja heterogenosti;
- f) **"Sjeme oplemenjivača"** je sjeme generacije prije predosnovnog sjemena koje je proizvedeno od strane ili pod odgovornošću oplemenjivača koji je u Bosni i Hercegovini održavalac sorte, a koje je namijenjeno proizvodnji predosnovnog ili osnovnog sjemena;
- g) **"Predosnovno sjeme"** je sjeme generacije prije osnovnog sjemena koje je proizvedeno od strane ili pod odgovornošću oplemenjivača sorti iz sjemena oplemenjivača koje ispunjava zahtjeve za osnovno sjeme definirane Prilogom III ovog Pravilnika, za koje je izdata zvanična deklaracija/certifikat u skladu sa Prilogom I ovog Pravilnika, a koja su namijenjena proizvodnji predosnovnog sjemena ili osnovnog sjemena za koje je službenim nadzorom ustanovljeno da ispunjava zahtjeve u tački g) ovog člana;
- h) **"Osnovno sjeme"** (sorti izuzev hibrida) je sjeme koje je proizvedeno od strane ili pod odgovornošću oplemenjivača iz predosnovnog sjemena ili sjemena oplemenjivača koje ispunjava zahtjeve za osnovno sjeme definirano Prilogom III ovog Pravilnika, i za koje je izdata zvanična deklaracija/certifikat u skladu sa Prilogom I ovog Pravilnika, a koje je namijenjeno proizvodnji deklariranog/certificiranog sjemena (C), deklariranog/certificiranog sjemena prve generacije, deklariranog/certificiranog sjemena druge generacije (C2) ili gdje je primjenljivo deklariranog/certificiranog sjemena treće generacije (C3) i za koje je službenim nadzorom ustanovljeno da ispunjava zahtjeve u tački h) ovog člana;
- i) **"Osnovno sjeme hibrida"** (hibridi) je sjeme u slučaju čistih (inbred) linija, koje je namijenjeno proizvodnji hibrida koje je proizvedeno od sjemena oplemenjivača ili predosnovnog sjemena, i koje ispunjava zahtjeve osnovnog sjemena propisane Prilogom III ovog Pravilnika, i za koje je izdata zvanična deklaracija/certifikat u skladu sa Prilogom I ovog Pravilnika i za koje je službenim nadzorom ustanovljeno da ispunjava zahtjeve u tački i) ovog člana;
- j) **"Osnovno sjeme prostih hibrida"** (jednolinijski) je sjeme koje je namijenjeno proizvodnji dvostruko (dvolinijskih) ili trostruko ukrštenih (trolinijskih) hibrida koji ispunjavaju zahtjeve osnovnog sjemena propisane Prilogom III ovog Pravilnika i za koje je izdata zvanična deklaracija/certifikat u skladu sa Prilogom I ovog Pravilnika.
- k) **"Deklarirano/certificirano sjeme"** je sjeme krmne repice, smeđe gorušice, uljane repice, dvodome konoplje, crne gorušice, šafranike, kima, suncokreta, maka i bijele gorušice:
 - 1) koje je proizvedeno direktno iz osnovnog sjemena ili ako oplemenjivač zahtijeva od predosnovnog sjemena;
 - 2) koje je namijenjeno uglavnom proizvodnji bilja ili dijelova bilja za ishranu ljudi i životinja,
 - 3) koje ispunjava zahtjeve deklariranog/certificiranog sjemena definirane Prilogom III ovog Pravilnika i za koje je izdata zvanična deklaracija/certifikat u skladu sa Prilogom I ovog Pravilnika;
 - 4) za koje je službenim nadzorom ustanovljeno da ispunjava zahtjeve u tački k) ovog člana;
- l) **"Deklarirano/certificirano sjeme prve generacije"** (C1) je sjeme kikirikija, jednodome konoplje, lana soje i pamuka;

- 1) koje je proizvedeno direktno iz osnovnog sjemena ili ako oplemenjivač zahtijeva iz predosnovnog sjemena;
 - 2) koje je namijenjeno uglavnom proizvodnji biljaka ili dijelova biljaka za ishranu ljudi i životinja ili za industrijsku upotrebu ili za proizvodnju deklariranog/certificiranog sjemena druge generacije, ili u slučaju lana za proizvodnju sjemena treće generacije;
 - 3) koje ispunjava zahtjeve deklariranog/certificiranog sjemena prve generacije definirane Prilogom III ovog Pravilnika i za koje je izdata zvanična deklaracija/certifikat u skladu sa Prilogom I ovog Pravilnika; 4) za koje je službenim nadzorom ustanovljeno da ispunjava zahtjeve u tački l) ovog člana; m) **"Deklarirano/certificirano sjeme druge generacije"** (C2) je sjeme kikirikija, lana soje i pamuka:
 - 1) koje je proizvedeno direktno iz osnovnog sjemena, deklariranog/certificiranog sjemena prve generacije ili, ako oplemenjivač zahtijeva, iz predosnovnog sjemena;
 - 2) koje je namijenjeno uglavnom proizvodnji biljaka ili dijelova biljaka za ishranu ljudi i životinja i industrijsku upotrebu ili, u slučaju lana, za proizvodnju deklariranog/certificiranog sjemena treće generacije;
 - 3) koje ispunjavaju zahtjeve deklariranog/certificiranog sjemena druge generacije definirane Prilogom III ovog Pravilnika i za koje je izdata zvanična deklaracija/certifikat u skladu sa Prilogom I ovog Pravilnika;
 - 4) za koje je službenim nadzorom ustanovljeno da ispunjava zahtjeve u tački m) ovog člana;
 - n) **"Deklarirano/certificirano sjeme druge generacije (jednodome) konoplje"** (C2) je sjeme:
 - 1) koje je proizvedeno direktno iz deklariranog/certificiranog sjemena prve generacije koje je potvrđeno i službeno nadzirano sa posebnim osvrtnom na proizvodnju deklariranog/certificiranog sjemena druge generacije;
 - 2) koje je namijenjeno proizvodnji konoplje koja će se žnjeti dok je još u cvijetu;
 - 3) koje ispunjava zahtjeve deklariranog/certificiranog sjemena druge generacije definirane Prilogom III ovog Pravilnika i za koje je izdata zvanična deklaracija/certifikat u skladu sa Prilogom I ovog Pravilnika;
 - 4) za koje je službenim nadzorom ustanovljeno da ispunjava zahtjeve u tački n) ovog člana;
 - o) **"Deklarirano/certificirano sjeme treće generacije"** (C3) je sjeme lana:
 - 1) koje je proizvedeno direktno iz osnovnog sjemena, deklariranog/certificiranog sjemena prve generacije ili deklariranog/certificiranog sjemena druge generacije ili ako oplemenjivač zahtijeva iz predosnovnog sjemena;
 - 2) koje je namijenjeno uglavnom proizvodnji biljaka ili dijelova biljaka za ishranu ljudi i životinja ili industrijsku upotrebu;
 - 3) koje ispunjava zahtjeve deklariranog/certificiranog sjemena treće generacije definirane Prilogom III ovog Pravilnika i za koje je izdata zvanična deklaracija/certifikat u skladu sa Prilogom I ovog Pravilnika;
 - 4) za koje je službenim nadzorom ustanovljeno da ispunjava zahtjeve u tački o) ovog člana;
 - p) **"Komercijalno sjeme"** (K) je sjeme:
 - 1) koje se može identificirati po vrsti kojoj pripada;
 - 2) koje ispunjava zahtjeve za komercijalno sjeme, propisane Prilogom III ovog Pravilnika i za koje je izdata zvanična deklaracija/certifikat u skladu sa Prilogom I ovog Pravilnika.
- (2) U smislu ovog Pravilnika izrazi vezani za sorte, čiste linije, hibride i sintetičku sortu imaju sljedeća značenja:
- a) **"čista linija"** (inbred linija) je dovoljno ujednačena i stabilna linija koja je dobijena ili umjetnom samooplođnjom zajedno sa selekcijom preko nekoliko uzastopnih generacija ili drugom odgovarajućom tehnikom;
 - b) **"prost hibrid"** je prva generacija ukrštanja između dvije čiste linije koje definira oplemenjivač;
 - c) **"dvostruki hibrid"** je prva generacija ukrštanja između dva prosta hibrida koje definira oplemenjivač;
 - d) **"trostruki hibrid"** je prva generacija ukrštanja između čiste linije i dvostrukog hibrida koju definira oplemenjivač;
 - e) **"četverostruki hibrid"** je prva generacija ukrštanja između dva dvostruka hibrida koju definira oplemenjivač;
 - f) **"sintetička sorta"** je sorta koja je sastavljena od deklariranog/certificiranog sjemena tačno određenog o oparašivaču ovisnog hibrida sa deklariranim/certificiranim sjemenom jednog ili više tačno određenih oparašivača i mehanički kombiniranih komponenti u omjerima koji su zajedno odredile osobe odgovorne za održavanje tih komponenti, nakon što je o toj kombinaciji službeno obaviješten Organ za potvrđivanje;
 - g) **"hibrid koji je ovisan o oparašivaču"** je muška sterilna komponenta unutar "sintetičke sorte" (ženska komponenta);
 - h) **"oparašivač"** je komponenta koja odbacuje polen unutar "sintetičke sorte" (muška komponenta).

Član 5.

(Promet sjemena)

- (1) U promet se može staviti sjeme uljanog i predivog bilja ukoliko su sorte upisane u Sortnu listu, pakirane u partijama sjemena i ukoliko su potvrđene kao sjeme oplemenjivača, predosnovno, osnovno, deklarirano/ certificirano (C), deklarirano/certificirano prve generacije (C1), deklarirano/ certificirano druge generacije (C2), deklarirano/certificirano treće generacije (C3) i komercijalno sjeme (K).
- (2) Sjeme uljanog i predivog bilja pored uslova navedenih u stavu (1) ovog člana, koje nije proizvedeno i pakirano u Bosni i Hercegovini, a čije su sorte upisane u Sortnu listu, koje je deklarirano/certificirano može se staviti u promet u Bosni i Hercegovini u skladu sa odgovarajućom šemom sjemena Organizacije za ekonomsku saradnju i razvoj (u daljnjem tekstu: OECD) ukoliko ispunjava zahtjeve definirane Prilogom III ovog Pravilnika i ako za to sjeme postoji sljedeća dokumentacija:
 - a) ISTA certifikat narandžaste boje za rezultate testiranja sjemena svake partije na međunarodnoj deklaraciji partije, koji je izdala laboratorija prema pravilima Međunarodnog udruženja za testiranje sjemena (u daljnjem tekstu: ISTA), ili AOSA certifikat o kvaliteti sjemena;
 - b) OECD certifikat o sortnosti, osim za komercijalno sjeme;
 - c) deklaracija/certifikat zajedno sa fitosanitarnim certifikatom koju je izdala Organizacija za zaštitu zdravlja bilja zemlje izvoznice sjemena, sa naznakom da partija sjemena ispunjava propisane uslove u skladu sa Zakonom o zaštiti zdravlja bilja Bosne i Hercegovine ("Službeni glasnik BiH", broj 23/03) i podzakonskim aktima donesenim radi primjene odredbi ovog Zakona.
- (3) U skladu sa Zakonom, dobavljač može staviti u promet predosnovno i osnovno sjeme koje u drugom pogledu ispunjava zahtjeve osnovnog sjemena propisane Prilogom III ovog Pravilnika i za koje je izdata zvanična deklaracija/certifikat u skladu sa Prilogom I ovog Pravilnika, a koja imaju niži postotak klijavosti od onoga koji je propisan Prilogom III ovog Pravilnika u poređenju sa sjemenima te vrste. (4) Ako službeni nadzor u pogledu klijavosti nije okončan, predosnovno, osnovno ili deklarirano/certificirano i komercijalno sjeme se može staviti u promet ako je deklarirano/certificirano sa naznakom da je deklaracija/certifikat dodjeljena na osnovu analitičkog izvještaja o čistoti sjemena, sa tačnim nazivom i adresom prvog kupca. Dobavljač mora garantirati da su podaci o klijavosti ustanovljeni na osnovu analize. Postotak klijavosti, naziv i adresa dobavljača i referentni broj partije sjemena koje se stavlja u promet moraju biti upisani na etiketi. Ove odredbe se ne odnose se na sjemena koja se uvoze u Bosnu i Hercegovinu.

Član 6.

(Zahtjev za izdavanje zvanične deklaracije/certifikata)

- (1) Zahtjev za izdavanje zvanične deklaracije/certifikata za partije sjemena oplemenjivača, predosnovnog, osnovnog sjemena i deklariranog/certificiranog sjemena (C), deklariranog/certificiranog sjemena prve generacije (C1), deklariranog/certificiranog sjemena druge generacije (C2), deklariranog/certificiranog sjemena treće generacije (C3), i komercijalnog sjemena (K), dostavlja se u pisanoj formi Organu za potvrđivanje. Zahtjev za izdavanje zvanične deklaracije/certifikata propisan je na Obrascu broj 1., Dijela II, Priloga I ovog Pravilnika.
- (2) Organ za potvrđivanje vodi evidenciju o izdatim zvaničnim deklaracijama/certifikatima na Obrascu broj 3., Dijela II, Priloga I ovog Pravilnika, a dobavljač vodi evidenciju o sjemenu za koje se podnosi Zahtjev za izdavanje zvanične deklaracije/certifikata na Obrascu broj 4. Dijela II, Priloga I ovog Pravilnika.
- (3) Nakon zaprimanja Zahtjeva za izdavanje zvanične deklaracije/certifikata iz stava (1) ovog člana, Organ za potvrđivanje postupa u skladu sa odredbama iz Dijela I, Priloga I ovog Pravilnika.
- (4) Ako su Organu za potvrđivanje tokom postupka službenog potvrđivanja dostupne informacije kojima se potvrđuje da sjeme ne ispunjava zahtjeve ovog Pravilnika, Organ za potvrđivanje će odbiti izdavanje zvanične deklaracije/certifikata.

Član 7.

(Uzimanje uzoraka)

- (1) Uzorak sjemena u svrhu zvaničnog ispitivanja uzima fitosanitarni ili poljoprivredni inspektor, u skladu sa zahtjevima člana 68. Zakona i Priloga IV ovog Pravilnika.
- (2) Uzorak se uzima i dijeli u dva dijela, svaki dio minimalne težine navedene u Dijelu II, Priloga IV ovog Pravilnika, od kojih se jedan dio ispituje u ovlaštenoj instituciji za ispitivanje sjemena, a drugi je zatvoren i drži se na sigurnom mjestu ove ovlaštene institucije, sa obvezom čuvanja u periodu od godinu dana.
- (3) Ukoliko se utvrdi da uzorak sjemena za zvanično ispitivanje nije uzet u skladu sa zahtjevima iz Priloga IV ovog Pravilnika, u tom slučaju se ne obavlja zvanično ispitivanje takvog uzorka, niti se nastavlja daljnje ispitivanje, a svi nalazi i rezultati dobiveni u toku bilo kog zvaničnog ispitivanja uzoraka sjemena smatraju se nevažećim.

Član 8.

(Zatvaranje pakiranja)

- (1) U promet se može staviti pakiranje (osim za mala pakiranja) sjemena oplemenjivača, predosnovnog, osnovnog sjemena i deklariranog/certificiranog sjemena, deklariranog/certificiranog sjemena prve generacije, deklariranog/certificiranog sjemena druge generacije, deklariranog/certificiranog sjemena treće generacije i komercijalnog sjemena ili sjemena sintetičke sorte, ukoliko je pakiranje nakon uzimanja uzoraka zatvoreno od strane Organa za potvrđivanje i pod kontrolom fitosanitarnog ili poljoprivrednog inspektora i to na takav način da se pakiranja ne mogu otvoriti bez oštećenja ili ostavljanja traga oštećenja.
- (2) Ako se pakiranje sjemena koje je zatvoreno u skladu sa stavom (1) ovog člana otvori, ono se ne smije ponovno zatvarati, izuzev od strane Organa za potvrđivanje i pod kontrolom fitosanitarnog ili poljoprivrednog inspektora.
- (3) U slučaju ponovljenog pakiranja i zatvaranja sjemena uljanog i predivog bilja, dobavljač podnosi Zahtjev na Obrascu broj 2., Dijela I, Priloga I ovog Pravilnika.
- (4) Dobavljač vodi evidenciju zatvaranja pakiranja u skladu sa evidencijom o masi preuzetog sjemena na Obrascu broj 5., Dijela III, Priloga I ovog Pravilnika.
- (5) U promet se može staviti malo pakiranje sjemena čija neto težina ne prelazi 10 kg, ukoliko je zatvoreno na takav način da se pakiranje ne može otvoriti bez oštećenja ili ostavljanja traga oštećenja.
- (6) Ako se malo pakiranje sjemena koje je zatvoreno u skladu sa stavom (5) ovog člana otvori, ono se ne smije ponovno zatvarati, izuzev od strane Organa za potvrđivanje i pod kontrolom fitosanitarnog ili poljoprivrednog inspektora.

Član 9.

(Stavljanje etiketa na pakiranja)

- (1) U promet se može staviti sjeme ako je etiketirano i zatvoreno u skladu sa odredbama ovog člana. Svaka etiketa mora imati jedinstveni serijski broj.
- (2) Pakiranje (izuzev malih pakiranja) sjemena oplemenjivača, predosnovnog, osnovnog sjemena i deklariranog/ certificiranog sjemena, deklariranog/certificiranog sjemena prve generacije, deklariranog/certificiranog sjemena druge generacije, deklariranog/certificiranog sjemena treće generacije, komercijalnog sjemena ili sjemena sintetičke sorte, treba imati sa spoljašnje strane pričvršćenu zvaničnu etiketu, koja ovisno od vrste sjemena, sadrži potrebne podatke i ona je minimalne veličine i boje kako je to navedeno u Prilogu V ovog Pravilnika. Etiketa je ljepljiva ili pričvršćena za pakiranje na način koji je odobren od strane Organa za potvrđivanje i pričvršćena je (u oba slučaja) pod kontrolom Organa za potvrđivanje. U slučaju deklariranog/certificiranog sjemena sintetičke sorte, etiketa je plave boje sa zelenom dijagonalnom linijom.
- (3) Ako, u skladu sa članom 5. stav (3) ovog Pravilnika, dobavljač želi staviti u promet predosnovno, osnovno sjeme manjeg postotka klijavosti nego što je to propisano Prilogom III ovog Pravilnika, taj podatak se navodi na zvaničnoj etiketi i na dodatnoj etiketi dobavljača koja se pričvršćuje na spoljni dio pakiranja. Dodatna etiketa sadrži podatke o klijavosti sjemena, naziv i adresu dobavljača i referentni broj partije sjemena.
- (4) Pakiranje (izuzev malih pakiranja) sjemena oplemenjivača, predosnovnog, osnovnog i deklariranog/certificiranog sjemena, deklariranog/certificiranog sjemena prve generacije, deklariranog/certificiranog sjemena druge generacije, deklariranog/certificiranog sjemena treće generacije, komercijalnog sjemena ili sjemena sintetičke sorte mora imati zvaničnu etiketu pričvršćenu na spoljnoj strani u skladu sa stavom (2) ovog člana.
- (5) Malo pakiranje sjemena ima pričvršćenu zvaničnu etiketu sa spoljne strane koja sadrži, u ovisnosti od sjemena, podatke o navedenom sadržaju i mora biti one boje koja je propisana Prilogom V ovog Pravilnika. Ova zvanična etiketa nije potrebna ukoliko su podaci odštampani neizbrisivo na spoljašnosti pakiranja.
- (6) Ukoliko je pakiranje sjemena ponovno zatvoreno u skladu sa članom 8. stav (2) ovog Pravilnika, ta činjenica se navodi na zvaničnoj etiketi zajedno sa mjesecom i godinom ponovnog zatvaranja i nazivom organa ovlaštenog za ponovno zatvaranje.
- (7) U slučaju sjemena čija je sorta genetički modificirana, dokument koji prati partiju sjemena, mora da sadrži podatak da je sorta genetički modificirana u skladu sa važećim propisima koji uređuju oblast GMO.
- (8) Ukoliko su sjemena tretirana nekim fitofarmaceutskim sredstvom ili bilo kojim drugim hemijskim sredstvom, naziv hemijskog sredstva i naziv aktivne materije se navodi na zvaničnoj etiketi. Aktivna materija mora biti dozvoljena za upotrebu u Bosni i Hercegovini.
- (9) U skladu sa odredbama Zakona i ovog Pravilnika, dobavljač ili neka druga osoba ne smije u toku stavljanja u promet ili pripremanja za stavljanje u promet bilo kog sjemena, namjerno kopirati, skidati,

"Službeni glasnik BiH", broj: 63/13

mijenjati, izbrisati, sakriti ili zloupotrijebiti na bilo koji način bilo koju zvaničnu etiketu koja je pričvršćena na pakiranje.

Član 10.

(Uvoz sjemena uljanog i predivog bilja)

- (1) Prijava i kontrola uvoza sjemena uljanog i predivog bilja obavlja se u skladu sa odredbama Zakona i Pravilnika o kontroli reproduktionog materijala poljoprivrednih biljaka koji se uvozi ("Službeni glasnik BiH", broj 34/12).
- (2) Poštujući princip ekvivalencije dozvoljen je uvoz sjemena koja nisu proizvedena i zapakirana u Bosni i Hercegovini, a koja su deklarirana/certificirana prema OECD šemi i koja ispunjavaju pravila i standarde Europske unije u pogledu minimalnih standarda kvalitete sjemena, a istovjetni su sa minimalnim standardima kvaliteta propisanim u Prilogu III ovog Pravilnika.
- (3) Sjemeni moraju biti zatvoreni, sa etiketama koje propisuje OECD u skladu sa kategorijom sjemena.
- (4) Sve odvojene partije pošiljke sjemena uljanog i predivog bilja moraju imati:
 - a) OECD sertifikat za partiju sjemena koji izdaje nadležni organ zemlje izvoznice, odgovoran da sjeme odgovara partiji sjemena koje je deklarirano/certificirano;
 - b) ISTA sertifikat narandžaste boje, koji se odnosi na dotičnu partiju sjemena ili AOSA sertifikat o kvaliteti sjemena;
 - c) fitosanitarni sertifikat izdat od strane Organa za zaštitu zdravlja bilja zemlje izvoznice, kojom se potvrđuje da partija sjemena ispunjava zahtjeve propisane Zakonom o zaštiti zdravlja bilja i drugim propisima koji reguliraju ovu oblast.
- (5) Pregled svakog pakiranja i svake pojedinačne partije sjemena obavlja fitosanitarni inspektor i pri tome utvrđuje da li su pakiranja sjemena ispravno zatvorena i etiketirana i da li se pojedinačni brojevi etiketa u potpunosti podudaraju sa brojevima etiketa zabilježenim na OECD sertifikatu partije sjemena i na ISTA sertifikatu partije sjemena narandžaste boje ili na AOSA sertifikatu o kvaliteti sjemena.
- (6) Nije dozvoljeno uvoziti u Bosnu i Hercegovinu ona pakiranja koja su u prijevozu oštećena, koja nisu ispravno etiketirana, koja nisu pravilno zatvorena ili bilo kojem drugom pakiranju sjemena uljanog i predivog bilja za koje se ustanovi da na etiketi ima referenti broj partije sjemena različit od referentnog broja upisanog na deklaraciji/certifikatu. Troškove vraćanja takve pošiljke snosi uvoznik.
- (7) U slučaju uvoza partije sjemena uljanog i predivog bilja koje je namijenjeno razmnožavanju u Bosni i Hercegovini u cilju dalje proizvodnje, fitosanitarni ili poljoprivredni inspektor uzima reprezentativni uzorak partije sjemena uljanog i predivog bilja i dostavlja ga ovlaštenoj instituciji za zasijavanje na postkontrolnim parcelama.
- (8) U slučaju partije sjemena uljanog i predivog bilja gdje postoji sumnja nakon inspekcijskog pregleda u pogledu kvalitete sjemena, fitosanitarni ili poljoprivredni inspektor uzima reprezentativni uzorak partije sjemena i dostavlja ga ovlaštenoj instituciji na testiranje sjemena koja utvrđuje usaglašenost sa standardima kvaliteta sjemena propisanim u Prilogu III ovog Pravilnika. Do dobivanja konačnih rezultata fitosanitarni ili poljoprivredni inspektor će zabraniti stavljanje u promet te partije sjemena.
- (9) Partija sjemena za koju se ustanovi da ne ispunjava standarde sjemena propisane u Prilogu III ovog Pravilnika, ne može dobiti dozvolu stavljanje u promet u Bosni i Hercegovini, a od dobavljača sjemena se zahtijeva da takve partije sjemena vrati u zemlju porijekla i plati troškove vraćanja pošiljke.
- (10) Dobavljač vodi evidenciju o uvezenim količinama sjemena na Obrascu broj 6., Dijela III, Priloga I ovog Pravilnika.

Član 11.

(Prilozi)

Prilozi od I do V su sastavni dio ovog Pravilnika i isti se objavljuju zajedno sa Pravilnikom.

Član 12.

(Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH", a početak će se primjenjivati šest mjeseci od dana stupanja na snagu.

Broj UZZB-01-1-02-2-664-1/13

19. jula 2013. godine, Sarajevo Direktor **Radenko Radović**, s. r.

PRILOG I

DIO I - POSTUPAK DEKLARIRANJA/CERTIFICIRANJA

- (1) Po prijemu Zahtjeva za izdavanje zvanične deklaracije/certifikata, u skladu sa članom 6. ovog Pravilnika, vezano za sjeme oplemenjivača, predosnovno sjeme, osnovno sjeme, deklarirano/certificirano sjeme, deklarirano/certificirano sjeme prve generacije, deklarirano/certificirano sjeme druge generacije ili komercijalno sjeme, Organ za potvrđivanje u skladu sa st. (2) i (3) ovog Priloga i po plaćanju naknada reguliranih u posebnom pravnom propisu, izdaje za svaku partiju sjemena zvaničnu deklaraciju/certifikat koja sadrži podatke navedene u Prilogu II ovog Pravilnika.
- (2) Organ za potvrđivanje izdat će zvaničnu deklaraciju/certifikat za partije sjemena ako je:
 - a. Zahtjev dostavljen Organu za potvrđivanje u formi, na način i u vrijeme za registraciju partije ili partija sjemena koje se koriste za sjetvu sjemenskog usjeva ili sjemenskih usjeva od kojih će se dobiti partija;
 - b. službenim nadzorom uzoraka partije sjemena utvrđeno da sjemena ispunjavaju standarde za sve kategorije navedene u Prilogu III ovog Pravilnika.
- (3) Organ za potvrđivanje će odbiti izdavanje zvanične deklaracije/certifikata za partiju sjemena ako se utvrdi da:
 - a. uzorak partije sjemena nije uzet za potrebe zvaničnog ispitivanja kako bi se utvrdilo da li partija sjemena ispunjava propisane standarde navedene u Prilogu III ovog Pravilnika, nije uzet u skladu sa zahtjevima sadržanim u Prilogu IV ovog Pravilnika;
 - b. službeni nadzor zasijane kontrolne parcele sa uzorkom partije sjemena u polju pokazuje da sjemenski usjev ne ispunjava propisane standarde navedene u posebnom pravnom propisu kojim se regulira kontrola sjemenskih usjeva poljoprivrednog bilja;
 - c. je došlo do kršenja odredbi ovog Pravilnika koje se odnose na partiju sjemena za koju je dostavljen Zahtjev za izdavanje zvanične deklaracije/certifikata.